



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД ҢАДИБЕРҢА

СИ' ИВ ЯЛЯХАНА ҢОПОЙ' СЕРТАБИВА'

Мэбета вадава" ила' панан' етри' мэква"!

НЯРЬЯНА

ҢЭРМ



№ 10 (5232)
2025 по'
март иры'
8 яля
СУББОТА

Российская Федерация Ямало-Ненецкий автономный округ



Сидянт: А. Япстик' тадтавы

Ламбитава'
яляхана

4

Не" җарка яля' ед'



Сидянт: А. Япстик' тадтавы

Тадхав' луца падар"мана җани' нарэй" нувона" то". Ты" саполана ирыхына не" җарка яля – март' 8 яля җэсеты. Небяна"на", хадана"на", не нина" ед' сейхад җэда вади хэтыбасетыва".

Ямал' тигьывна илена" не" җамгэри җамгэхэна ва"лэй", я"мана манзаядо' җоб' яңгу. Пыдо' яна" ханярина хуркари тарана серо минре". Хибяхавадо' ненэцие лекарабтамби, җацеке тохоламби, вато" падро сертаби. Җанидо' хардо мимби", җаха" җавори тэволана машинам мэ"җа", тамна җани" манзай" тэнз" ня"амби". Иландандо' тецьда Ңэрм ям' тэравы" җани' таня". Ханяҗы" не" вымна, пэдаравна мюсерҗа", мято' тер" ня' ты пэртяҗэ тара".

Илебей не Мария Хорэли җобтики хой' няҗы илам' тэравысь. Пыда Я' малхы Ңытарми" Саля' вымна мюсерҗа. Салехардахана тохолко"манда пуд выңгана

нисяхаюда, небяхаюда нядаба хаёвысь. Тэхэ"на мэнаханда сямян җамгэн' тоховы. Пясь пилюта манзаяда пирхата яңгу. Малко, танырць, буранм' мэць җани' тенева. Вадавнанда тэхэ"на мэва ёльце сава - хусувэй яляханда маймби. Ңопой яхана нивамда мэвамда җани' саву"җада. Нюдя җэдаханда торомдавы серта ихинанда җули" пои.

Не" җарка ялям' мякананда мэ"мандада. Ма"нисяв': «Хой' няна мэнаҗэ маня" хэбидя ялэ мэць сабе нива" тэвор", пэрта манзаява" саць җока. Тарць" ямбхана ты пэрти" Сянакова' яляхартан' хэсь ни еремд". Едэй пом' мэцетыва". Соя"ма" яляхав" юрибада"». Теда' җод" Ямална" ненадо март' тэворманда мальҗгана җани' тэтнась, падро сертабись, лахана сохода яңгусь.

Хой' няд товы не пэдёмда җэдарахая лахарёмда тарем' ханадась:

- Теда' яв' тяхана мэва". Тэхэбина" мя"на" хэвхана ни"мы", сырада саць ёряҗэ еремя, җадьбьята тына" нерняна ханэйнаць. Няни ня' малкованзь ханцетыни'. Ты"ни' хадом' сюртесетыни', җобкаван' нини' ма"ламбасету". Хадырць яхатато' манзадавы" ты" пуна пуня' мэ"ма' яхато' нид" пакалт". Нямдодо' матуванзь, тэри тэ"эмна сырманзь, җамза таралпата мят' пэрцетына". Вэдепахава җоб" вэдепина". Пэдара' поңгана иңгней җадиберҗа. Тикэхэвар ёльце я"авлы. Нямэхэна сиднет тэва" хадавысь. Мань тарця сармикм' манэпидамзь, сеймда тёрхана харевась. Ва"лероць хане"яҗа, ты' ни' пя' нид санарҗа. Тым' икхад сякалтада, җэвамда ныкалтада, ханаҗгуда. Пуна хамэдад, екар" ханяҗы тым' хадавы.

(Пеляда 3 стр.җа)

Анна Япстик' падвы

Дорогие жительницы Ямала!

Поздравляю вас с Международным женским днем!

Женщина – это олицетворение жизни, бесценный источник вдохновения и душевного тепла. Вы, словно сама природа Ямала, гармонично соединяете в себе, казалось бы, несовместимые качества: нежность и негибкую волю, красоту и внутреннюю силу, хрупкость и удивительную стойкость духа.

Ямал – территория, где создают крепкие семьи, поддерживают ценности здорового общества. И в этом огромная заслуга наших женщин – настоящих хранительниц домашнего очага и верных спутниц жизни. Гордимся, что в нашем регионе каждая третья семья – многодетная, а это значит, что у Ямала – прекрасное будущее!

Дорогие женщины! Искренне благодарю вас за неустанный труд и преданность нашему северному краю. Ваши успехи в самых разных сферах – от науки и образования до медицины и культуры – являются гордостью Ямала. Мы восхищаемся вашей многозадачностью и умением успешно совмещать профессиональные успехи с заботой о семье и близких. Ваши достижения – это вклад в процветание нашего региона!

От всей души желаю вам крепкого здоровья, личного счастья, благополучия и весеннего настроения!

Губернатор Ямало-Ненецкого автономного округа
Д.А.Артюхов

Дорогие наши женщины!

От всего сердца поздравляю вас с Международным женским днем!

Матери, бабушки, сёстры, дочери – вы наполняете жизнь смыслом, приносите в мир радость и доброту, гармонию и красоту.

Сегодня невозможно представить ни одну сферу, где бы вы не проявляли себя ярко и талантливо. Вы покоряете науку и технологии, руководите предприятиями, создаёте шедевры искусства, воспитываете будущее поколение. Вы умеете вдохнуть жизнь в самые амбициозные проекты, тактично разрешаете конфликты и в то же время отстаиваете справедливость.

Нежные и сильные, мудрые и заботливые, вы заряжаете нас энергией и оптимизмом, являетесь источником жизни, вдохновения и великих дел. Мы искренне восхищаемся вашим обаянием, внутренним светом и умением создавать прекрасное. Спасибо вам за счастье быть рядом!

Пусть весна наполнит ваши сердца радостью и надеждой и каждый новый день дарит тепло и улыбки близким!

Председатель Законодательного Собрания Ямало-Ненецкого автономного округа
С.М. Ямкин

Мядм' ня"амвэхэ"

Нямэхэна Тасу' я' вымна мюсертаха', сидя нюм' вадабадаха' мяд' җамгэри ня"-амҗаханзь. Теда' тарця няд"мам' Ямальской районхана иленаха' ня' ми"мы". Таняна «чумовой капитал»м' Альберт няби Анна, Япстик еркарм' мэтаха' нюртейҗэ ня"амвэди'.

Яр-Саля' вымна мюсертаха' сидя хасаванюди'. Ңаркаюмди' сидя потна җацеке, нябиди' тандая' лимбя' ирыхына соявы.

Альберт няби Анна ты пэртяха', иринати' ила' саирм' нёдаҗаха'. Пыди' җэсыхына ниhi'мы", яланди' илеҗаха', харти' тыди' пэрҗаха'. Сывы' ёльцяҗгана Нядаҗгарад' няюна җэвадаромбихи', та' Юрибей яха' җэсонд' тэворҗаха'. Мюсеванди' сер' җока җэдалавам' пирдалембихи'.

Няд"мам' ня"амвы не тарця вади мэ"мысь: «Тарем' хамэдёда җамгэри ня"амва ёльце сава җэ" нив'. Тикаривна ея" сэднана" вуни" җа", манзаяда саць җарка, мэятавада җани' нензел"

ни җа". Тедахав' харни' мя"ми' тамна палаць пиртани', вэсакопи нисяха'-небяха' мякана нини' илеҗгу"».

Едэй по' то"махад няд"мам' хаця яңгамдадонзь. Тикы округна" җэвахана мэна ерв' ватось. Лимбя' ирыхыд сидя җацекем' вадабада" җобтики ня"марпа пядонзь. Ңавна няхар", няхаркад җокарка" нюсавэйрихи" мипидонзь.

Ңанине Хорэли' падвы

Ты пэрти" вада"

Хэвы си"ив яляхана Няда' харад' няю' машинахана нэдалёвани мальгана ноб" ненэй ненэцям торомдадамзь. Илья Ябсевич Худи та' мальгана сянакова' ялян' нэдалёвысь. Нид нэдалё лахарёми' вы' ила' нямна хаясь. Вада тарцясь:

–Яв' тяха' няна нюртей по сывдадм'. Нани" похона Яр-Саля' няюна хаюрцетидм'. Ихинани таңгидм', сававна серта-зэв, таяна хаёвы" нина" тыдо' хаңганаараха". Сеня' лакри' ибаңэ хаясь, пуна нани' тецьхамя, сырада салабаңэ хэвы. Харта тамна вынхалуй" ты" нерденаңэ хавы" нэңгу". Нюкадо' сую" нэдараха". Тамна тарця нэбата маня" ты пэртиңэ тэгнавандава" нэрхава".

Хахаяда яля' интернет' мутравна юнм' толаваць. Ма"ним" Надымской районхана сэрдахад ты" хавы". Яв' салаба' тяха' мюсевандо' мальгана вынхала хаңгавы" нэрха". Нюкханда няхар" ю" тэдо' сулмвуд". Тикыдо' «Ярсалинской» совхоз' нэсы" ты" нэвы".

Тальняхавана сава, сырада нюлак, тына' нядам' хомби". Ханяңэхэна нумда тэри хамбана, нюрте"э саць ибаңэ ханда, нямгэ' пиркана тецьда" ладаңгудо', тарцяхат сырада салабаңэ хан"ңа. Ты' тобахана саць тоена, нядан' ни" тэвор"–вынхалаңга", хаңга". Нерде маяндорта" су"ляко" хаңгасеты". Саваркаңэ ханданакы, нюпой таякуй понда то"олха нёя нэ", та' мальгана я' ханярина ненэциена"

тэсипой" хаиць. Харад" хэвхана нядэна" ненэця" нокмаць. Нум' ирива" харта тасламбидава.

Ты" пэрти" серо теневаана Законотательной Собранияна" депутат Тимофей Нгэкович Лаптандерм' нани' хонрамбиваць. Тарцявадам' хэтакь: «Саля' яв' малхад таякуна няни лаханаць, ма"нисям", тыдо' ядэрңа". Тедари' мунзи". Тадңо" нумда ибемда, саварка нэңгу. Нюли" тэгнапто', ненэця"

няна" лаханаңгу". Пирувнана" нядабаңгуна"».

Ненэсянда Сёяха' выңгана нани' вэва" нуво ваде"ңа". Ханяңы яхана сарё" нэрхавы". Ялянда сэв нод" тю"уна хая. Маси" ты пэртина" тыдо' нердена" варё" нэсонд' таңга хадырта". Сяхаринда мюсерта" ненэця" сэвдо' тэхэ"тато' сырңа". Тикысипой" пыдо' нерняңы иландо' яңгода. Неры Илья Ябсевич' вадавна: «Нум ирива" харта тасламбида».

Ненадовна Ямальской, Тазовской районха' нэвахана мэна" тарця серкат тенева". Тараванда мальгана ненэця" няд"маси" ни" хаёд".

Марина Ярой' падвы



Сидяңг. М. Яр' талгавы

Сидяңг. А.Ялтик' талгавы

Едэй хабарталва

Тасу яв' няна Хальмер" Седе"э хардахана тандаярка' нэрка тасалкова' мальгана ненэця" нюка сава юнм' намдаць. Поңганандо' ты пэрти" е"эмня ненадо вадам' районандо' ерв мэ"ңась.

Мессо яха' няна едэй хабарталва манзара пэңгу". Самляңг юд' мян' мяд' тер" тая' хабарманда" тыдо' тэврамбаңгу". Харто' мюсерць ёто' хэвхана мэңгу". Тыто' нямзи таяна мирдапаңгудо'. Тарем' иландо' няю' мэ"манда есядамдо' хомбаңгу". Хахая мюсерта" вы' тер" тыдо' ныхы ян' нидо' танабаңгу". Няхат пыдо' хабарталвахат нэха"мна мюсермы". Нэдьбято' тая' нивы" тэвор".

Тарця едэй хабартаңго мэта ямдо' серта я' индадм' тюхулпада" предприятие «Мессояханефтегаз» тер" нядаңговы". Мюсерта" ненэця" тарця серм' саву"ңадо'. Ты пэрти" вадавна, тарем' иландо' хаця сибёңэ ханда.

Сенз ненэць' иланда сава

Ямал' тиңгэвна Ты пэрти" яля" миңа". Вы' тер" ненадо ялямдо' мэ"мандо' хавна нюка серодо' тасласеты". Ненадовна е"эмняндо' лекар" манзарасеты", «Будь здоров, тундровик!» акциям' минресеты". Сидя иры' ямбан' сянакова' ялэ" мэти" пумна мюсертадрев' хусувэй" хардан' тэворта".

Сямянхат нерденаңэ Нядаңгардан' ха"мормы" ненэця" «Автобус здоровья» нюбетан' тюңгавы". Сиддо' лекар" манэ"сармы". Хабцяңодо', неноховавна тивакато', сейто' хабцяңо таявам', яңговам' тасламбавы". Тараб"нанда ненэцям' тамна' тяха' нани" лекараха" нэдабтамбавэдо'. Поңганандо' невролог, окулист, травматолог, отоларинголог, педиатр, инфекционист таявы".

Нэрка лекар', Сергей Токарев' вадавна мюсерта" ненэця" хардахана иленахат сензарка": «Саңговота хабцяңодо' тянё". Тикы сер" харто' илаңгадандо' паңгады. Пыдо' сяхаңгарт' нюпой яхана ни" нямдю". Вэвако нэвар" ни" нэвор". Нэрм' яна" нэврахат ныхыдамдо' хомби". Тэри илебядэ иле". Нэдьбята хардахана илена" нэрм' терха" табекуни" тарця": «Ты' нямза, яханана" ня"амвы хая, ма"лавы" нодя" – сямянхат сава" нэвар". Ненэця' сёнзя' мюйм' нидо' вомдабю"».

Сянакова' ялэна" тамна пон' мэтына". Нэдьбяна маня" толаңгода" нина" е"эмня вадина" мэ"ңава": «Ты пэрти" ялэта" нэва' ёльцяңгана лекар" машина' хэвувна тэри нёда" ханас". Тая' тюңгада", ноб" мальгана нюпой яхана нюка лекарм' хоңгуда". Пыдо' пыдара" е"эмнянда" манзара"».

Нэрм' тер нядаби"

Нэрм' яханана" вы' тер" илам' хусувэхэт савумдамбидо'. Е"эмняндо' хуркари" няд"ми нэдимдемби". По' тяхана ты пэрти" е"эмня тарана серм' минре пяць. Тикым' тюку по' тамна нерня' пэрңадо'. Хахаяда" ялэ" пиркана Пэ" хоё" нямна мюсерта" ты" пардон" лабтэй ня"амвы".

Приуральской районхана самляңг мяд' терха" тыто' пардонад ми"мы". Аптечка' мю' хуркари" тарана" нэвэ мэвы". Ты пэрти" саву"ядо'. «Таңы нумгана мэдна" тына" нюкамзеты". Нэхахат хардахад хар"на" пардондамдо' тэмдабасетыва". Теда' ёльце сава. Хусувэй нямгэва" мале таяңгу. Ихинани таңгаңгудм'», - Леонид Лаптандер юне тэволанаха" лаханавы.

Тадри' хусувэй район' ёльцянд', ты" лекар" манзарась хардахана нани" пардон" лабтэй нэдабтаңгу". Таянд ненэцяңг' мипаңгудо'. Тикы няд"ма харто' тыдо' лэтамбада" ненэцие" е"эмня таславы. Округна" ты" лекарахат мирци" ня"марпидо'. Неноховавна нюпой ватодо' тая – ненэця' тыда яңгавы", биркаха"на ненадумдавы" нэпто' тара".

Яна" тиңгэвна харто' тэхэ"нато' мюсерта" ты пэрти" е"эмня нюкханда 1600 лабтэйм' ха-медавы".

Галина Окотэтто' падвы"

Минреванда" серодо' саву"мыць

Ямалхана округна" нэвахана мэна һадимдевы пирдырма миһась. Некоммерческой нубета" организация" помнандо' грант" еси" няд"ми матопиць. Хахаяда" яляха"на нерня' хэвы проект намдаваць. Нокханда яна" тер" юр" си"ив миллион еся" пирм' ня"амвыць.

Ненадовна Ява" лэтрамбади" по' ед' нэди няби округна" тингывна «Год героев» мэ"ма' няю' нэди саву"мыць. Сие" ниць ирыхыд сидя ю" мат" и' ядэрабцом' ялян' һадимдемба пянгу". Ня"амвы" есяха"нато' экспедицияха" ядэрта", СВО' няна мэни няби мядото' тер' нядабаңгу", хуркари музей нэңгу", дрон (тиртя һаво) һобт' ма"ламба тоходанаңгу".

Һопой ненадумдавэдо' – Россия' һардавна серода минрена Ты пэрти" союз. Победа' яля сиднет ю" пом' мэ"ма' ёльцяңгана «Арктическая эстафета Победы» акциям' сертаңгу". Победа' лабакм' тэхэ"на няби вэнекохо"на, мерета" еся"



Сидяңг. А. Яптик' тадтавы

ханха"на тет'я нэсонд' ханаңгудо'. Чукотка', Республика Саха', Красноярской край', Ямална" ня' тэвраңгудо'. Тарем' ядэрмандо' сер' һацекехэ" Нарка сайнорма' по" нямна лаханаңгу". Няндоты пэрти" таром' ха"аврамба"мам', нядаңго"мам' вадета".

Сёбар" серо нерня' минреванд' харвани һани' саву"мыдо'. Юкад' вата һопой тарця проектм'

есяха"на ми"мы". Нэрем' ила' саирм' лэтрава' няби нерня' минрева' няю' нэда тет' и' ядэрабцом' нерня' мэвы". Е"эм' няндоты юкад' вата сидя миллион есям' тярмы". Тарем' «Минлей» общественной организация «Едэй» нубета проектм' сертаңгу. Тикадо' манзарана" няби тохолкода" илебей" не"нэцие", һацекеы" ед' нэңгу. Са-

лехардахана ненэй мяд" няна лаханаку вадета", сэдора, мирць, һавар пиремба тоходанаңгу".

Яр-Саляхана нэда «Ямал» нубета общественной движение Ты пэрти" яляхана нэрем' тер" илам' манэ"лабтамбада спектакльм' һадимдеңгу. Сиддо' ямидхы ва"ал тенева"на", артист", мел" ненэця" нядабаңгу". Тикы' хавна ям' хабтомдамбуванди, хаңгурти нядабаванди, хуркари тохолкова' няби сава серо һадимдеванди саву"мы".

«Гранты Ямала» серм' минрена ерв Хизри Алхаматов мамысь: «Нэдаравы" манзаидо' хэвняңы" ё" тер" манэсаръядонзь. Тюку по' нули" һока тэраңгода не"нэцяндава" хаһаваць. Пыдо' Россияна" тет' ю" мат" яхат һаць, һокханда юр" тет' ю" ня"хартонзь».

Еси" няд"мам' сидя юр" пир" некоммерческой организация" ня"амван харвавыць. Сидя юр" си"ив ю" няхар" проектм' падвыць. Тикахат самляңг ю" си"иврим' тэравыць.

Теневабцодо' манэсарта"

Хой' няна илена" не"лёко" һацекеы" школан' хэвандо' нерцю" теневабцодо' манэ"лабтамбаңгу". Сямбирувна хамадэвамдо', тохолко пирмамдо' няби нивамдо' сиддо' тохоламбадидо' һахакуд теневаңгудо'.

Тад тованда тохолкова' похона сидя ю" группахана мэна" «Северный набор» нубета комплект' сер' теневабцодо' хорпаңгу". Ямална" мат" район" вымна мюсерта" ненэцие" һацекеы" ханзер" лахана, толаңго пир"мамдо' вадета". «Сумка-чемоданчик» лабтэйкондо' мюня хуркари" тохолковахана тарана" һамгэридо', паднабциедо', сянакудо' таянгу".

Сямян сертаванда" манзаидо' луца вадавна няби нэрем' тер" вадавна нэңгу".

Округханана" психолого-педагогической, медицинской, нядаңгода центр' ервнэ тарана тарем' лаханавысь:

–Едэй" һадиберта" падарка"на ханяңы" һацекеы" выңгана вадэданвам' нисетыдо' тасламбю". Хой' няна мэни" ил' хардахана мэна" илаңгад һарковна яңга. Нэдьбята «Северный набор» яңга вы' тер" һацекеы" е"эмня сертавы.

Һацекеы теневабцода няхар" мэва' манэ"лабтамбаңгудо. Нерня нянанда манзаранада небямда няби нисямда лаханако нята, тохолко хэванда нюнди' нямна

хонаркода. Тикы' пуд сюрэ' һацекеым' сянакултамбаңгудо, сертаванда манзаядамда мипаңгу. Няхаромдэйхана сита тохоламбада нямнанда нэда табекосавэй падартамда падаңгу. Небой по' Сёяха' няби Белоярск' няна нэда садикха"на тикы' серм' хорпавыдонзь, саваңэ манэ"мэдонзь.

Хэвы по' нэре' школан' хэванда" е"эмня сидя группам' нэць. Тикэхэ' Панаевск' няби Сёяха' хардахана һаха'. Лимбя' ирыхыд самляңг ю" пир" 6-7 потна" һахакуд тохолкованзь хамеку". Белоярск', Нэдя', Паюте"э', Пэ Саля' няна лимбя' ирыхыд ты" ниць" иры' нэсонд' тохолкода". Вэба' ирыхына тарця группа" хасава ю" пирнэ ханда".

Не" һарка яля' ед'

(Пеяда 1 стр.һа)

Тев' ёльцяңгана хурка манзаи пэрмамда вадэ"һась:

- Хубтахана юркын, харт серод мэн, вэнод нэд"һан. Тумд пятан, таминда толямд һабтамба пян. Салабахавм' пэвсюма' няна мэсетыдм', пи' тяха' юванда е"эмня. Нэябэй пи хор' һыл' паклесетыдм', хувыхына туми мер' табцеты". Нэамгэ' пирт' сэйндава", тикахавад пин' тарпаңгуна", һавка" тикавна

һадимда". Сыра' сэдорасетыдм', пядами, итами пэрцетыдм'. Мяд' мюй" манзая" нэдакы". Вэнеко", һавка" таянэ". Вэно"ни һаврад пирембасетыдм', нэябэй һавар" һорман' нисеты" харва". Нэавкы"ни халэ' евэйд сидя едхана пирембидм'. Нэопой едхавм' нэопой һавка һамзь пирцетыда. Евэйни яңгоховаб" сэротаваы халэ сапцетыдм'. Мэ"ни тер" һаврад хамэдамбидм'. Пыдо' тодо' тэһз" һавар харвабтасеты", хибяхавадо' – я' евэйм', һанир –

хаскам'. Малкованзь, ям' манэсарманзь ханданава, едебя"амна таркаңгаңгунава. Тикы' яха"на хардан' ханаць, падар" сертаба тарам'ма. Нэопой яхана һоб' нива"мы", ялэна" ханзер" хан"мам' нива" хамэдасету".

Тэхэ"на мэна" не" ханяңэхэ"на пэртидо' сабе нибто' һод" һадю", тикыд мал' таром' һадимдембада" манзая". Хусувэй хибя сидто' тотрев' вунида пират".

Нэдаңгурца"

Ямалханана" хаңгуртарка", варючи" һацекеы" е"эмня реабилитационной" сертификат мипи". Ненэця" һокханда ёнар' пир" тарця падарм' ня"амвы". Тикыдо' лекар мя"лихина нидо' мэт", һани" һамгэхэ"на һобтикеы тараңгу".

Тарця" няд"ми 2014 поход мипидо'. Та' малыңгэхэд мале 1007 мяд' терм' нядавы". Нюсавэй не есям' ня"амбата тараб", һацекеанда си"ив поданда хэва' нерня падарм' падбата серо"һа. Интернет' мутрам' няд"мяць «Госуслуги» сер', тад тикахад МФЦхана падродо' пада хэпто' тара. Россия' тингэвна нэда" социальной" центрха" нюдо' тэволапто' сава нэңгу. Небо' сертификат мипавам' Округна" нэвахана мэна ервана" табеко' сер' нензелнэ сертавэдонзь. Самляңг по' Ямалхана илевы" мяд' терха" мипавыць. Тенкана нюто' соя"ма' нерня нэопой по' нэрем' яханана" илевэхэ" мипаңгу". Есьдо' һацекеыто' юкад' вата сиднет по' нэсонд' мэць һани' пиртыдо'.

Тарем' тасла нюдо' хаңгуртарка", варючи" мядо' тер' сававна нядабидо'. Харто' ихиндо' манзарана" няби" НКО Округ' есь няд"мяць нядаңгу". «Ямине» благотворительной фондхад нядаңгосэйм' һани' мипи".

Ламбитава, яляхана



Сидяңг. А. Яптик' тадгавы

Округна» марка»на хусувэй по' «Лыжня России» нубета пирдырмам' мэцеты». Тикан' хибяри» ма»люрцеты». Ненэця» мяд' терсавэй» турцеты». Ламбаха»на сюрберць сёбар» җани' пирдырцеты».

Саяңгардаханана» ты» саполана иры' нюртей» яляха»на ламбитава' мэлвахана пирдырман' харвана» җокаць. Җацекы», җармбэй», илебей» ненэця» ма»лыць. Җокханда няхар» юр' пир» харад' тер җэвысь. Ханяңы» мяд' терсавэяць. Редакцияна» терҗэ җани' ядэрҗаваць. Сянакованзь товы» нина» падарт' падыбинаць.

Турта» ся» хунат сюрамба пир»мамдо' харто' тасламбидонзь. Сидя сехэры: 500 метр', 2025 км' җэсонд' җаханзь. Сидна» падыбавандо' сер' җудана» терад тамбиць. Сави, ненадумда»ми» падро, значок ня»маваць. Ядэр»мани' сер' җоб» ненэй нем', Виктория Хоролим' ядабтадамзь. Ся» хунат сюрамбаванда нямна хонрамбивась. Пыда тарем' лаханась:

- Тюку яля' хасава нюни ня ламбита ядэртани. Мянни тер» няць хусувэй по' турцетыдм'. Тэри тарця» мероприятия» җэва' нерня манзаяханани си»ми' хонрамбасеты». Мань пуня' нидм' җэсету». Ламбаха»на едейковам' харвобтав. Ханяңэхэ»на ныланава' яляха»на

тюкона ламбиторцетыдм'. Тедари' нюми нюдя. Җарка сехэрэвна нини' пирдырт». Самляңг юр» метр' җэсонд' сюрамбаңгуни'. Ненэцяңг» мэ»манда» вадини» тарця»: «Пирдырманда» сехэромдо' сававна сюртемдо'. Мал' ялява» маямба мэкава»».

Сянаковам' хэтивандо' сер' лаханакко нями хасава нюнда пумна паромбарка пин' тарпыць. Маня» җод» тарпынаць. Нюртейҗэ 2025 км' пиванда» нульядаць. Тад пуна самляңг юр» метран' едейкованда» нито' пумна хамедыць.

Редакцияхадна» Җанине Яптикы ямб сехэрэн' сюрамбись. Пыда ва»лэй сёбар» ненэй не. Хусувэй по' пирдырманзь хан»җа. Тикы серм' тяхасовна теневада. Сехэрэмда ханзер» пирдалевамда хонрамбивась.

- Мер' сюртев. Нерняна ламбитани» мандал' поңгана миңадамзь. Сюрамбаб», сырада савась. Нумда җопой тецярка. Җудини» ханимяць. Сянимдейҗэ товами ниркав хамэда». Мань мале школахана едейкосетыдм'. Нянани ёльце нюрцям'. Олимпиадаха»на, конкурсха»на мэвани няю' ня»амвы» есяха»нани нюртей ламбини» тэмдэйнась. Пыхыдами мэбеламба етри' едейкованзь ханцетыдм'. Тарця серкана торомбэй» нини» мание тоходанадамзь. Соревнованияха»на пирдырцетыдм'. Тюку ялями ихинани сававна хая.

Тарем' хардана» тер» ныланава' ялямдо' җобанзер» пирдырць мэ»җадонзь. Ихинани җули» саву»ян: «Маси» җани» похо»на тамна җокамбой» ненэця» ма»люрта». Нюдо' сиддо' мание җани' турта»».

Руфина Окоэтто'
падвы

Ями лэтрамбидамзь

Ямал' ханярина хуркари» ва»лэй», җамгэхэртан' ниня пинана», ява» вэвако» серкат җэдабада» тания». Җэрм' тер» поңгана тарця» ненэця» җока». Пыдо' мал' яна» ед' саць җарка таром' минре».

Тюку пова» сайнормахана мэвы» ненэцие» няю' таславы. Тоенана серм' пэрта» нина» иле»ми теневавана» е»эмня етри' «Жизнь героя» нубета проектхана лахана». Җопой иле»мя Яр-Сая' тер' нямна җа.

Пётр Сивелявич Сэротэтто 1997 похона выңгана соявы. Школахана тохолко»манда пуд армян' хэвы. Пуна таянд то»махаданда хой' няна мэна» нида нядабавы, колледжхана тохолковы. СВО пэва' сер' таминда пыхыдамда таян' падвэда. Ты» ниць иры' сибимдей яляхана 2022 похона падрода пидтевыда.

Минометчик' нядаңгодаҗэ таралмы», рядовой званиям' мэ»мы.

- Җамгэри мая' ёльцяңгана ня нядаба тара. Хар»н ини сер' ями лэтрамбуванзь хаядамзь. Ханяңы» теневаана» нини» си»ми саву»җаць. Неноховавна мяни тер» си»ми җэдараван' ниць харва», ханя' мимами нидонзь хамадамбю». Мань җод» минханда малеванда сер»җэ пэрҗавась. Ма»нисядам», сидя сян иры' пирт' таяна мэңгоданакэва». Харе» сэвха»на манэ»махад саць я»авлавы, тоенавы. Ваде»ма' то»олха нивы җа», - Пётр иле»мямда тарем' ваде»җада.

Җобаңгуна җэвахана мэнандо' табековна саю пидеванзь хэвы». Тамальҗгана тэтна еремыць. Енерта» ханянд-таянд' енермыць. Граната моёпада нядо' машина' мюня хаёвы тунимда хосаявы. Сюрамбари ядэрмы, җамгэ' пирт' няхатата саю таб»ламбавы:

- Лакри' төрм' намдаваць, тад сидер' сыхыд сырҗадм', нява» юседа, төрена, җэмда ня»амби. Пон' нись мы» паромбари' няни пумна санэяв». Тай' хэвня' лыңгарёсян' минревахани няби» нини» нерани няңым' таңгомдамбиць. Мале җамгэ' пир» еҗга» хаиць, нядаңгованзь тамна җопой нями тось. Нями' тэврами', җэмда маноңани'. Пуна лекар» мякад няни лаханась, иле вадуманханда маймбись.

Манзаямда сававна минреванда, ямда сяманда няю' «За воинскую доблесть» няби «За отвагу» медаль ня»амвьсь. Пётр Сивелявич мале пон' ява» лэтрамбись. Янда хэвняна мэнаханда няби җэхэнда ядаравыць. Лекар» мякана мэ»махаданда мякан-

да тось. Тикахад соя»ма' хардахананда манзара пэяць. Теда' җэта ниня мэввна ну. Сита савумдамбавы» ненэциета вадавна му-тратна едэй җэмда мер' тохоловэда.

Анна Яптик' падвы

ОБЪЯВЛЕНИЕ

ПОЛНАЯ ИНФОРМАЦИЯ ПО ТЕЛЕФОНУ
8(902)81-6-11-90
ЗВОНОК ПО РОССИИ БЕСПЛАТНО

СЛУЖБА ПО КОНТРАКТУ В ВС РФ

ВРЕМЯ ДЛЯ ВАЖНЫХ РЕШЕНИЙ!

КОНТРАКТНАЯ СЛУЖБА
6 200 000 Р
ЕДИНОВРЕМЕННАЯ ВЫПЛАТА
3 500 000 Р

ПРИ ЗАКЛЮЧЕНИИ КОНТРАКТА НА ЯМАЛЕ

Прибывающим с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3-х разовое бесплатное питание!

ОБУЧЕНИЯ:

- ✓ ОПЕРАТОРОВ БЕСПЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

3 100 000 Р ЕДИНОВРЕМЕННО ОТ РЕГИОНА
До 120 000 Р СЕРТИФИКАТ НА РЕАБИЛИТАЦИЮ

400 000 Р МИНИСТЕРСТВО ОБОРОНЫ
ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО

РЯДОВОЙ ОТ 210 Т. Р.
СЕРЖАНТ ОТ 232 Т. Р.
ПРАПОРЩИК ОТ 292 Т. Р.



Сидяңг. А. Яптик' тадгавы



Сеётэй не

Сеётэй не, вы' тер не
Сёда хайна,
Хой' ядхад хайхалмы яха',
Яха' енд'лаха.
Не хынопата
Сеҕгакодрев'
Тайнанаараха.
Мэта сёховада
Ид энзортана
Лохортакораха.

Сэдораб"нана",
Манзараб"нана",
Пили" хыно"ҕава"
Ѓэрм' яханана"
Выҕгы яна" нина
Илебядёҕава".

Сеётэй не, вы' тер не
Вадамда мэ"ҕада,
Сёнда харахана
Вы' янда илм'
Хынабтамбаҕада.

Надежда Салиндер' падвы



Ѓука неша" мяналяш"

Шичадяля дямпан Талкахана шана'ко мяналяш". Пюд дяхана няматадакудма дялям мэнаш". Дюккат ва'та ты" кан", хамплян команда", шича'дюкат ва'та ненэй мя". Поңкнантуң мянадмантуң мэт Талкан шанат дяхат мэна" Ѓэдм' чел" неша" номаш".

Ѓуки похона хамплянк команда" мяналяш": Самбудка-хана райта «Пуровский» совхоз-хана мансланна", Калясамэхэй Еты-Яляхат мэна", Ханымейхат томы" «Пяку-Пуровская», Кадпюккат мэна", Талкахай «Верхне-Пуровский» совхозхана мансланна". Праздник найпеш «Оленная армия» нимита постановкам ңычимчеңаш". Няхаддю" неша" нуп пумна, мюшинатлям парадхана миндяш". Демпчадутуң, кан'нутуң оленно-транспортный батальонхана хайнодмы" мэмыдаха. Ѓуки похона шитчет'дю" пуңэ кайны хайнодышнэхэдмапохоты. Тың кан' мэш" шанат тэмс" неша' хайнодыш". Ѓайталёта" шанат дюд дятадамы" самолёту" нэкадмай", дёнадкат ва'та дятадамы" хайму" тайвамай", дюкат ва'та дёнал милву" фронтхана мэна" няхатоң тэвдамай". Талям четаң Ѓэдм' чел" нешади" тың канхана" хайму" нятапёмам чедеш, вачаш тала.

Дяляң дедьня тын канхана райталёта" масс-стартан номаш". Ѓуки похона таньше мянадмантуң мэт дюккат ва'та шича дю" ты" кан" номаш". Стартхатоң мяналта нуп дильшуң мансхалаш". Таньше хылат помна райталёма ньешал ниңа. Куки тэңи жука нешади" маньдеш шулхалыштут. Таньше ңокна райталёчи" поңкна мянадыш нята" нельня Ханымейхат мэна Вячеслав Пяк тоңаш, пыта райвахай каным' канаңата. Ѓопумана райталёта" шеэв час мяналяш". Ѓуки похона касама" дюккат ва'та няхаддю" кашемдю" канхана мяналяш", ни" поңкна хамплянкдю" шеэв райталёташ.



Ѓопумана райталёта" касами" поңкна райвахай местан' Ханымейхат мэна Алексей Пяк ка"амдыш. Ни" поңкат тың кан'хана райталёш райвахай местам Кадпюккат томы" Галина Пяк канаңата. Неша шича дяляң дямпан мяналяш". Нельчезей сельхозпредприятихина" мансланни" команда" мяналяш", нимимты дяляхана кальтуң детуң мяналта" шана'куш". Мяналта" нэхэмтуң, нюңк раймямтуң, ңычимчимпиш". Няляң паңк вядкудпиш", шалди" ңыдна нюмкупельдыш нетуң конудпиш", няхад ха"мхана ха"мудяш", кан'ну" нимня

ха"мудяш", нэхэдумпиш", этно-биатлонхана шульвиш мяналяш". Ѓокна командахана шана'комы", кальтуң детуң мяналды - тотуң местаха тонладятоньш. Нялямпаңк вядкудпеш Кадпюккат мэна Борис Агичев нэхэля, Самбудкахат томы Владислав Вануйто. Няхад ха"мхана ха"мудтахат" Кадпюк командахат мэна Николай Пяк, ними Самбудкахат томы Виктор Сегой нэхэляхаң. Кан'ну" нимня

ха'мольш райвахай местам Самбудкаң мэнахаң Афанасий Тэсида, Василий Салиндер канаңач. Шалди" ңыдна нюмкупельтахат" пиди мэмятаңэ Самбудкаң командахат мэна Данил Вокуев тонлаңа". Пыта нэхэдумпючи" поңкна нупчики нэхэля. Кальтуң нюмкупельды" поңкат Самбудкахат томы Василий Айваседо райвахай местам канаңа. Кальтуң детуң мяналчи" поңкна нехэдумпеш Калясамэхэт мэна Дмитрий Айваседо нэхэля. Этнобиатлон' эстафетахана шулвильш Самбудкаң команда нэхэля. Кальтуң мянадычи" поңкат

Артём Вора райвахай местам канаңата. Касами" мяналтаны" неңи" хятмайтуң паныдөтуң ңычимчемпиш". Кудкади" матамэй" мэкат паны" тадыңаш". Ѓашкиуди" ңалка нетуң мяналтаны" нупчики кудкади" шана'кохона" шана'куш". Нып-такош томы" хынилмаң мэт культурахана, спортхана манслана" кудкади" вильта мероприятия" шелтаңаш". Ѓэдм' чел" нешади" ңамлу" дет райта «Вкусное наследие» мят меңаш". Таньняң чунидта" кудкади" ңамлу" конудяш". Ѓуки похона Пур-рыбахана мансланна мячинчетуң ңамлат пиди жука - нуп дёнал литра каля выдим пидиңаш", шанат ңочи тэмс писанантуң ниң мьшчеңаш". Нешади" деттондюта центрхана манслана" «Танцует Север», «Напевы тундры» шелтаңаш". Чикиң камна «Шатута ни» конкурс' ңычимчеңаш". Хамплянк ни" мяналяш", чикидю поңкна Мария Кунина нэхэля. Ты" паделдыш манслани" дяляхана тэхэна мансланахаң нешаңк ңопт кайма дялям мэңаш". Евгений и Диана Пяк патнаңаханьш. Ѓуки похона праздник' хомана вильңаш. Хыдаң ниня мэта волейбол шелтаңаш, парашютахат хамудта" чидяш, мотоциклу мэта" вильта шоум' ңычимчеңаш". Чикиң камна ты" падильчи дяляхана Масленицам мэңаш". Шанат тэмс неша" таньше ңокна, хома шоньшахана нетуң няш ныптакуш. Праздниктуң хитамахагы тың канхана райталё райвахай местам' канамы", шана'ко мянадыш нэхэдмы" тотуң мячисы" няамңаш". Ѓуки похона райвахай местам' Самбудкахана райта совхоз «Пуровский» команда канаңата.



Не џацекы пин' тарпота, нё сим' вареката сидя џудакохонанда наволпида. Ирмнянда тецьда' ямбоя мят' хална. Небяда пумнанда ма"нив:

– Пихина мы"! Нён мят' тюнґ"! Яля' ямбан' нён нямдана". Нид тута", ханя' ханда"! Мято' хэвувна ни" ханд"!

Не си' панм' пихид тан"џада. Яля' ямбан' нямданана Саване нида џате. Пэвдя ирыхына џедалё сидя ханм' ханахая нисяда няхар" Саване' некам' хосаясетыда. Школахана нъланава' ялэдо' џесеты". Няхар" некада тоб"нандо' хамбетка тамбасеты". Манзеты":

– Таняна џерм' сянаковам', едэй по' товам' мэ"џава". Яплык тасеты" – ёльце џавыдота" џамгэ".

Саване мат" пода. Їани похона школан' ханда, тохолкован' џули" харва. Некеыда яля' ямбан' џатейда. Нисяда хонёдаханда џедалавы". «Ханяю' џедалавыкы!?» – џацекэця ханяри' вэдерџа. Хибяхарт џедалёда янґу. Пихина тецярка, сякна сянзибейџэ со, пэвсюмарида хаи. Саване џани' мят' сы"џата, нё си' паддевы – ни нэґ". Їобата" нё' симда нэкалпида. Небяда төрей":

– Пихина мы"! Нид џате"!

Саване ярм' џедабтаван' харва, лакри' џедалёдам' намда. Сеґга' мун" со", маханяю' сылы" – џедалёда" миџа". Вэнеко" мадарць пэяд". Тикахавахад маймба сарнарць пэй": «Мама, такыд' то"!»

Нерняґы ханхана нисяда миџа, хэвхананда ёнэй хасава нюда џамды. Пумнанди' џарка хасава нюда, сибимдей класса-хана мэна џедалы. Їани похона



Сидяґ: Н. Худиг' тадгавы

Харад' џуда' тер"

школам' малеґгуда, нисямда нядабаданэ хаёда. Їедалёда" хаях то". Небядо' пин' тарпы". Не џацекэхэв нита нерня сюррамби, мальцянда сеґгари' мун" со". Небяда ма:

– Хан' џыл' нёрва ерев"! Ханя' сюррамби! Їамгэда ханзер" џа!

Небяда пумнанда сюррамби, вэрета ня"мада. Їедалёда" нултадо'. Некеыда хан' нид санэйд". Саване нита хэвхана санарџа. Ёнэй некада џобанда мюд хамбетка џадимде. Няханда ми"ийда, ядембада џоба' мюня џэсь, џули" няхато' тадвы". Не нянда ибцекад џоб"ладвана мипи.

Їарка нека ханамда ипра, тыда подеро"џа. Ханото' тер ня"амхая мякандо' пядо'. Їацекы" мят' тю". Мякна ядемби, мальцидо' ека". Їарка нека паданда мюд џамгэхэвм' тюхулџа. Не няханда миџада:

– Ти! Яплык. Їамд"!

Харто' ва"ав' ни' џамдыд". Не џацекы џудахананда сэр" џарка мандалюй џаварм' ня"амби. Їабтада ханзеркава" џа. Їарка нека ма"нив":

– Сякалт"! Яплык' харванасы", ёльце џавыдота! Манэт".

Саване сякалџада, тавабида. Ёльце ибцяда џэвы, нянда си' мюй ёльце парана. Хоракасавэй" ибци. Сэвта хаял" харто' ихиндо' тяныд". Няхар" некада ханерцяда нямдо' мание", ёльце письџа". Писяґгадандо' ва"ав' ни-на лясэрџа", џэсавэй" енедарџа", џопой сярнадо'. Не нядо' лукм' џабдамби. Некада покос џэвы. Писяґгахандо' сэвто' хаял" лата' ни' тэса". Пихид небядо' мят' тю. Лук"ям' не нюхуданда марџада, сея паханд' мода. Не нюнда сэв' хаял тэґа:

– Ханзер" папакомда", няко-цямда" пэрџара"! Сидта" сяхаринда манзая"манда.

Хасава нюда нисямдо' нядаванзь пин' питарџада. Не нюхунда ма:

– Нисяр яплык тэврась, харт џорьид", хибяхартан' нёд мипю".

Паданда мюд яплыкм' тюхулџа, не нюхунда миџада. Їарка няръяна мандалюй џэвы. Їабтахавада ё"якабты. Їавыта ёльце сава. Їацекы тэри яплыкм' џабдамбида. Харта худ нярмавы" – падуда няръяна яплык' пир". Їарка сэвда тэри ялкардарџа". Пуна сэй"махадандо' Саване нисяханда ма"нив":

– Їамгэ мараґгына" яплык' џар" ни" џа"? Їавыдодо' џули" сава" џэґу"! Їопой мараґгахад малеґгуваць.

Ненэся џод" небянда вадавна нида манзаятаґэ тарась. Лук"ям' тенат нида харвабта", џабтсавэй" тодкабты.

Наца Худиг' падвы



Сидяґ: Х. Яунгад' тадгавы

Хорэйко' талере"мя

(Нюртей пеляда 8, 9 номеркана џа)

ХАНАКОЦЯМИ ПЫРДАРИ' ТАД"

Тюмямдо' пин' ханадо', не-нэй тум' пята". Тадебя вэсако хасава џацекым' ту' хэван' нисямда няд"мяць юсипталада. Ядемдавы пензерм' ниндя мэ, самбдорць пяхананда хутдамба пята. Тикарихина Хорэйко џэта ни' санэй", џани' пин' хатяда тар". Тадебя вэсако юсипталада, пензерм' нинда мэхэя џудахананда мыйдамба пята. Хорэйко тамна төры"џа, џопой манзеты:

– Сырџада", такы нё' си' џобкад няръяна џодяко", си"ми ханда"

џедабтавы". Пыдо' едм' пиревы", си"ми џате". Паркасипой" пин' џадиман' харвадм', хоракани мюй' џули" ядемби.

Тадебя пензерта нэкалџа, си"ив яґорэй" ладхалџада, мяд' тер" ненэцяґґ ма:

– Пыдара" џока"я хальмер" хэван' џэсовэда". Си"ив хальмер" пэмбадм' маниедм'. Їобто' џолёкоця џацекы' пэмб. Синд"мяда янґу, хэвхананда џеда небянда пэмб џоб" тарем' тэри хортена. Синд"миди' мерця ханавыда. Теда' џадьбятта пыди' талиранэ ядэрџаха', пэмботи' хэвнямна сидяґгади' ядэрџа". Їацекэра" теняна хальмераха" ня"амравы". Янґумы џацекы' ханакком' мяканда тэвравы,

едейко мэ"мэда. Тикы' хавна пэмбад' ниня џамдёдаханда ня"амравы". Си"ми нивы џэбта" тэвра", нюра" теда' мале яґгодась. Тебтад' няна тым' хадаида", џэвамда мядэн' хаеира". Хальмер' ханакком' џо"маханда мэира".

Тадебя' самбдорган' Хорэйко хонарэй", небяда вэсако' вада" сер' хораканда ни' тэця' мюня џеда сырам' лехэбта. Хасава џацекы пи' ямбан' савовна хоны. Хубтахана џамгэхэрт едясипой" юркы", савовна џаворџа. Талере"мида серото' сер" ваде"яда, хальмер" мэсо"ма' вади џани' хэтыда. Нисяда тым' хада, ханакоцям' нянда ня хальмер" няна ханади'.

Хальмераха" вэям' вабта, сярм' хае.

Їани яляхана хэвня' ямдэйд". Хорэйко' иле"мида иланда' ямбан' ибе"яда, ханяґэхэна ваде-цетыда. Пыда џарво"махаданда юдэрта, сэвандана ненэцяґґ хэвысь. Ханяґэхэна тамна ненэць' нерняґы мэ"манда ил' џамгэ' то"олха џэвам' вадецеты, сэвхата харта џадибертараха џэґу.

Їадьбятта џарка ненэця" манзеты", хальмерахат џамгэхэрт хан"ла, хэвувнандо' ядэрць вэва. Янґумы ненэцие" сидряґґ ма-нэп", минха" вадець сава, џота џод" сит ни" нёракут". Талерева сянако сер" ни' џа".

Раиса Яптуґнэ' падвы

Вадава” тохоламбива”



Саванехэ’, Едэйкохо’ җаворҗаха’.
Лахарёходанди’ едэй”
вади намдахава”.

Здравствуй, Едэйко!
Здравствуй, Саване!

Торова’, Едэйко!
Торова, Саване!

Хочешь поесть?
Да, я хочу есть.

Җаворман’ харван?
Җаха”, мань
җаворман’
харвадм’.

Куда мне сесть?
Садись за стол.

Ханя’ җамдаҗув?
Толь’ тяха’
җамдадм’.

Я хочу пить чай.

Мань саян’
харвадм’.

Попей чай

Сяйдар җав”.

Какой чай любишь?

Хурка сяйм’
харвабтан?

Я люблю чёрный чай.

Мань паридена
сяйм’ харвабтадм’.

Тебе нужен сахар?
Нет, сахар не нужен.

Сакар тара?
Сакар ни тара”.

Моя мама испекла
лепешки.
Да, лепёшки очень
вкусные.

Небями леска
ябцавы.
Җаха”, леска”
ёльце җавыдо”җа”.

Угощайся ягодами.
Я поем морошку.

Җодядар җав”.
Мань мараҗгам’
җамдадм’.

Угощайся рыбой.
Я поем рыбу.

Халядар җав”.
Мань халям’
җамдадм’.

Поешь суп.
Суп из оленины
очень сытный.

Евэйдар җав”.
Җамза’ евэй
ёльце җавыдо”җа.

Спасибо, я наелся.

Җарка вада, мань
ёльцейв”.

Твоя мама очень
вкусно готовит.

Небянд пиревы”
җули” җавыдо”җа”.

До свидания, Едэйко!
До свидания, Саване!

Лакамбой’, Едэйко!
Лакамбой’, Саване!

Мядоманзэ хан”мы”

Округна” школахана тохолкода” хуркари” мэкад” манзай манэ”манзэ ядэрцеты”. Салыҗгардахана Обдорской гимназия’ җацеќы” падро падтамбава хардан’ – типографиян’ хан”җаць.

Тарця юнм’ намда мань җани’ тая’ хаядамзэ. Җацеќы” мале типография’ лохо’ мюня ма”лёвыць. Луци нендо’ ня җамгэхэм’ тасламбиць. Тохолкодако” маямба сиддо’ тохоламбадамдо’ паромламбиць. Мер’ хусувэй җамгэм’ намдаван’ харвана” то”олхаць. Понҗанандо’ сидя ненэй хасава җацеќэхэ’ таявэхэ’. Таҗгарка нуҗаханзэ. Ненэй вадавна лаханакурҗаханзэ. Җамгэ’ е”эмня товамдо’ няданди’ хонрадамзэ. Хэвханани хахая мэвы тарем’ лаханась:

–Мань нюмами – Ярослав, еркарами – Җокдэта. Нябимдей классахана мэдм’. Тюкона газета, журнал сертабавамдо’ манэ”лабтамбаҗу”. Тедари’ нив хамедамбю”, ханзер” падтамбадакыдо’. Ехэрана манзаям’ манэ”мами нянани нюрцям’ җэҗу.

Пуна сиддо’ ядэлана луци не тось, лаханако нями сававна инзелеванзэ, паромбарка нита понд’ нульаць.



Сидяҗу”: Р. Окогэтто’ тадтавы”



ЯМАЛ МЕДИЯ
ТИПОГРАФИЯ,
КОТОРАЯ РЯДОМ!

Җацеќэхэ” типография җамгэхэна таравам’, хибя” тикахана манзаравам’ ваде”җаць. Хусувэй җамгэ таявям’ намдаваць. Тарем’ яднахана” җарка лохон’ тюваць. Мюнянда газета ханзер” сертабавам’ манэ”лабтамбиць. Хуркари” кнопкахат тидхалембада” еся” мутрыдо’ таявы”. Нюрте”э’ җарка”я лабтэйраха’ мюня халбуйҗэ сертавы падарм’ җолепяхана падтаванзэ пакледонзэ. Тикы падар” яҗорэйҗэ паромба сюра миҗась. Тад пуна мюданда наҗэдя”, падвы” газет” җадиберҗаць. Книга, тамна җани” падна” тарана” падро сертаба мэтадо’ харта яхана җэвысь. Таяна тарця манзаям’ тенева” ненэця” манзара”.

Падтавы” падродо’ җобт’ ма”ламбидонзэ. Падро” мандалм’ тет’ яҗотаҗэ тодо’ яха” ерпидонзэ. Книга’ хобам’ сертабавам’ җани’ таславаць. Харад’ ядха”на җыдабада плакат падтамба мэтадо’ яҗга таявысь. Җацеќы” ехэрана манзаям’ мание сэвриво’ мэ”җаць. Тэри пысаҗгаць. Хонравандадо’ җокась. Хэвандо’ нерня җудандо’ терад ня”маць. Ембтавандо’ сер’ нябиюм’ ненэй җацеќым’ җани’ хонравась. Пыда тарем’ лаханась:

–Мань нюмами – Тусида Илья. Тюкона ехэрана җавэ манэ”җадамзэ. Ёльце нюрцям’ җэвы. Мяканани нисяхани’-нябяхани’ вадетав. Нюдяко блокнот сертабиваць. Тикына” нянана” ханаҗгуна”. Паднабцие ня”маваць. Тэри хумбанзяда” ни” җа”. Хусувэна” харта нюмда пады. Тюку ялями пон’ тенеҗув. Җули” маямбидм’, мядонзэйҗэ газетадва” таць.

Илья лаханакуро”махаданда нита пумна пин’ тарпыць.

Салыҗгардаханана” манэ”манда мэлва тамна җока. Тохолкоди” е”эмня хуркари” ядэря җадимдемби”.

Руфина Окогэтто’ падвы

Газета «Няръяна Нгэрм»	И.о. главного редактора Кинчина Галина Сергеевна	ГЕНЕРАЛЬНЫЙ ДИРЕКТОР АНО «ЯМАЛ-МЕДИЯ» Зулинова Мария Андреевна	№ 10 Подписано в печать 06.03.2025г. Вышла в свет 08.03.2025 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
---------------------------	--	--	---	--

Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559

Тираж 3600 экз.

Заказ № 0233 (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнунянца, д.1, каб. 106

Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г.Салехард, мкр. Богдана Кнунянца,
д1, каб. 106
тел. (349 22) 4-53-32

E-mail: nn@yamal-media.ru